



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

15. Conspui optat, aut patienter ffert, quia Christus in Passione consputus,
B. Franciscus Gorgia, Hispanus. Joannes Fernandus, Lusitanus.
-
-

Nutzungsbedingungen

[urn:nbn:de:hbz:466:1-55449](#)

V.

AMATOR CRVCIFIXI

*Confui optat : aut patienter fert, quia
Christus in Passione consputus.*

15.

NON ambigo gratum esse CHRISTO
PASSO, & fædissimè putentium
Iudæorum sputis deturpato, si optes
consputi ignominiosè, ut illi aliquatenus
fis similis: aut, si sputa excipias alio-
rum, sive casu, sive ex composito, con-
vertas oculos, mentis ad CHRISTVM
sputamentis turpiter illitum, & illud
theatrum contempleris. Quod fecit, ut
reor, quem antea laudavⁱ CRVCIFIXI
Amator eximus

FRANCISCVS BORGIA. Qui fessus de
viâ diverterat in hospitium humilem-
que casam cum Socio Bustamantio, So-
cietatis IESV Sacerdote: pro lecto in
stramine diversi accubabant. Tussi la-
borans Bustamantius, totâ nocte con-
spuit imprudens Franciscum, faciem
etiam non raro fædans. At ille nihil tur-
batus tacitusque transegit noctem sputo
deformatus, vix ut agnosci posset. Vbi
diluxit, comperto, quod res erat, ve-
niā Bustamantius precatur. Ad quem
Franciscus: Non est, Pater, quod eâ re
labores: nec enim usquam mē dignior
locus

FRANCIS-
SCVS BOR-
GIA Hispanus.

IMITATRIX CRUCIFIXI. 29

locus in cubiculo sputo aspergi debuit.

Quod retuli, casu factum est, & à Socio: quod subnecto, datâ operâ, & ab hoste, Francisco Xaverio Collaborator in Evangelio promulgando strenuus fuit.

IOANNES FERNANDVS, quo Amangu-
eij in trivio concionante ad plebem,
Iapon forte quidam præteriens ad con-
cionem accessit. Inde, ut erat homo in-
solens, prodit in medium, & collectam
in ore salivam in concionantis os conji-
cit. Eam ille contumeliam adeò patien-
ter tulit, ut nihil omnino commotus,
abstensa linteo facie, institutum perre-
xeret sermonem.

Nimirum, CHRISTVM respiciebat
multò retrioribus sputaminum spura-
tijs in vultu fædatum. Tantæ autem ad
CHRISTI imitationem, patientiæ mi-
ratulo motus quidam è concione, in
animum induxit suum, à Viris tantâ
virtute præditis non posse religionem,
nisi Sanctam adferri. Itaque domum ad.
Xaverium venit, instituitur, ac primus
baptizatur. Hujus exemplum, alij dein-
ceps sequuti sunt.

a Andreas Schat lib. 4. vita cap. 5. num. 5.

b Tursellinus vita Xaver. lib. 3. cap. 7.

IOANNES
FERNAN-
DVS Luf-
tanus,